



### Assembly Session

त्रऊ दिनें दे वक्फे दे बाद जम्मू-कश्मीर असैम्बली दी कारवाई अज्ज बड़डलै परतियै शुरु होई, जिस दुरान बक्ख-बक्ख मुद्दे गी लेइयै सताधारी ते विरोधी धड़े दे सदस्ये बशकार त्रिक्खी बैहस शून्यकाल दौरान दिक्खने गी लब्बी। सदन च जारी बैहस ते गर्मा-गर्मी दे दौरान गै मुखमन्त्री उमर अब्दुल्ला होरे सैलसफा गी बढ़ावा देने लेई सरकार आसेया कीती जा'रदिये कोशशे गी उजागर कीता। उ'ने गुरेज च सैलसफा दी समर्थ दा जिक्र करदे होई आखेया जे उ'दी सरकार इलाके धोड़ी राबते च बाददा करने लेई उत्थे हैलिकाप्टर सेवा शुरु करने लेई निजी हितधारके कन्ने गल्लबात करै करदी ऐ। इक सोआलै दा परता दिंदे होई उ'ने जकीन दोआया जे हाल च आए दे हाई ते कुदरती करोपिये करी प्रभावत लोके गी राहत पुजाने लेई दृढ़ संकल्प ऐ ते जियां गै केन्द्र पासिया मजूरी थहोदी ऐ प्रभावते गी बनकदा मुआवदा देई दिता जाग। सदन दी कारवाई जारी ऐ ते तैह कार्यक्रम मुजब जनहित दे केई मुद्दे पर बैहस ते सोआल-जवाब चलै करदे न।



### Bridge Rajnath Singh'

उपराज्यपाल मनोज सिन्हा होरे अज्ज कश्मीर दे रक्षक खोआने आहले शहीद ब्रिगेडियर राजिन्दर सिंह होरे गी उ'दी बरसी दे मौके पर शरदांजलि भेंट कीती जिने 1947 च पाकिस्तान आसेया कीते गेदे हमले दौरान देसै दिये सीमाएं दी राखी करदे होई अपनी जिंदू दा बलिदान देई दिता हा। बक्ख-बक्ख लीडर ते आम लोक बी उ'दी पुन्य तिथि दे मौके पर उ'दी दलेरी ते त्याग गी चेता करदे होई उ'ने गी भावे-भरोची शरदांजलि भेंट करै करदे न। तौआई अज्ज गै 79में शौर्य दिवस जिसी पैहले इन्फैन्ट्री-डे आखेया जंदा हा दे मौके पर लोक 1947 च पाकिस्तानी फौज दी अगुआई च कश्मीर पर कीते गेदे हमले गी नाकाम

बनांदे होई अपनी जिंदू दा बलिदान देने आहलें शहीदें गी चेता करदे होई शरदांजली भेंट कीती जा रदी ऐ।

<><><><><><>

### **Darbar Move Pre.**

चंऊ ब'रे दे अंतराल मगरा सत्ता दी सीट जम्मू च औहन्ने दी प्रक्रिया परतियै शुरु होई गई ऐ। 2021 च बंद कीते गेदे दरबार मूव गी इस बरे मुखमंत्री उमर अब्दुल्ला हुंदी अगुआई आहली सरकार नै इक बारी फही ब्हाल करी दिता ऐ। अगस्त च रिकार्ड बरखा करी क्षतिग्रस्त होई गेदियां जम्मू शैहरें दियें कैई सिड़कें दी मरम्मत दे कम्म नै बी रफ्तार फड़ी लैती ऐ। मजदूर सिड़कें दी सफाई ते सिड़कें दे कंडे गी रंगने च मसरुफ न। सिविल सचिवालय, राजभवन ते होरनै महत्वपूर्ण सुविधायें ते कर्मचारियें दे आवासें दे आले-दोआले सुरक्षा बंदोबस्त बधाए गे न। पूरे शैहरें च ते 270 किलोमीटर लम्मी जम्मू-श्रीनगर जरनैली सिड़क पर पुलस ते नीम फौजी बलें गी तैनात कीता गेदा ऐ।

<><><><><><>

### **By Polls Prep**

जम्मू-कश्मीर दे नगरों ते बडगाम विधानसभा हलके औंदे उपचुना लेई तयार न ते उत्तै चुना सरबंधि तयारियां जोरे-शोरें जारी न। पूरी चाल्ली सुतंत्र, साफ-सुथरे ते पारदर्शी चुना यकीनी बनाने लेई प्रशासन नै, 11 नवम्बर गी होने आहले मतदान ते 14 नवम्बर गी वोटें दी गिनतरी लेई सुरक्षा सनै होर दुए सब्बै बंदोबस्त करी लैते देन। इस सिलसिले च मुख चुनां अधिकारी संजीव वर्मा होर सरबंधित जिला चुनां अधिकारियें कन्नै किश दिन पैहले इक बैठक दी अध्यक्षता कीती ते तयारियें दे बक्ख-बक्ख पैहलुएं दा जायजा लैता। तौआई बडगाम विधानसभा हलके लेई वोटिंग मशीनै दी बिच्चा-बिच्चा ताल करियै बक्ख-बक्ख मतदान केन्द्रें लेई भेजने सरबंधि रैंडमाइजेशन दा कम्म कल कीता गया। जिला चुना अफसर डाक्टर बिलाल भट्ट हुंदी दिक्ख-रिक्ख च इस कम्मै गी पूरी चाली पारदर्शी ांगै नै तोड़ चायेया गया।

<><><><><><>

## Reasi Halt

श्रीनगर ते कटड़ा बश्कार चलने आहली वंदे भारत रेलगड्डी दे रुट च इक होर स्टॉप बनाने दी घोषणा दे बाद यात्रियें अंदर मता उत्साह ते राहत दिक्खने गी लब्बै करदी ऐ, टकोहदा करियौ ओ जिनेंगी हून रियासी रेलवे स्टेशन परा बी एह गड्डी फड़ने दा मौका थहोग। जियां जे पैहले बी खबर दिती जाई चुकी दी ऐ कि गड्डी नम्बर 26401-26402 कटड़ा थमां श्रीनगर ते श्रीनगर थमां कटड़ा औंदे बाकी हून 29 अक्टूबर रियासी स्टेशन पर बी दंडू मिंटे लेई रुका करग। रेलवे दे सीनियर डिविजन कमर्शियल मैनेजर उचित सिंघल होरें दसेया ऐ जे एह फैसला टकोहदा करिये श्री माता वैष्णो देवी जी दे दर्शन लेई औने आहले श्रद्धालुएं ते चिनाह पुल बक्खी जाने दे इच्छुक सैलानियें दी बधदी मंग गी ध्यानै च रखदे होई लैता गया ऐ।

<><><><><><>

## Digital Weightbridge

सार्वजनिक बंड बिक्री दे कम्मै च पूरी पारदर्शिता ते कुशलता आहन्ने दे मकसद कन्नै खुराक, सिविल सप्लाई ते उपभोक्ता मामले सरबन्धी मैहकमे नै कल लेथपोरा च राशन दा वजन करने लेई पैहले-पैहले डिजिटल कंडे दी शुरुआत कीती ऐ। इस सुविधा दा उदघाटन मंत्री सतीश शर्मा होरें विधायक हसनैन मसूदी ते होरनें सीनियर अफसरें दी मजूदगी च कीता। इस मौके मंत्री होरें अपने सम्बोधनै च आखेया जे इस पैहल कन्नै अन्नदानें दी खुश-खरीद कोला लेइयै एहदी सप्लाई दे कम्मै च वजन दी स्टीकता जकीनी बनोग, चोरी, हेराफेरी दी गुंजैश भलेयां नैई रौहग ते सारा कम्म पूरी चाल्ली पारदर्शिता आहले ांगै सिर कीता जाई सकोग। एह शुरुआत पूरे केन्द्र शासत प्रदेश च होरनें थाहरें बी इस्सा चाल्ली दे डिजिटल कंडे लाने लेई इक आदर्श नमूने दा कम्म करोग ते मैहकमे दे सारे कम्मै च पारदर्शिता ते जवाबदेही जकीनी बनोग।

<><><><><><>